



Broj: 01-45-1045/24

Sarajevo, 15.11.2024. godine

Na osnovu člana 60. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj. 35/05), člana 28., a u vezi sa članom 17. stav (2) tačka f. Zakona o oduzimanju nezakonito stečene imovine krivičnim djelom („Službene novine Federacije BiH“, broj: 71/14), Federalna agencija za upravljanje oduzetom imovinom o b j a v l j u j e

JAVNI POZIV
KANDIDATIMA ZA UTVRĐIVANJE LISTE EKSPERATA SA KOJE SE IMENUJU
PREDSJEDNIK I ČLANOVI NADZORNIH ODBORA I UPRAVA PRIVREDNIH DRUŠTAVA
KOJIMA UPRAVLJA FEDERALNA AGENCIJA ZA UPRAVLJANJE ODUZETOM IMOVINOM

I

Federalna agencija za upravljanje oduzetom imovinom /u daljem tekstu: Agencija/ objavljuje Javni poziv kandidatima za utvrđivanje Liste eksperata sa koje se imenuju predsjednik i članovi nadzornih odbora i uprava privrednih društava kojima upravlja Agencija, a koji udjeli su sudskom odlukom u krivičnom postupku koji se vodi povodom oduzimanja nezakonito stečene imovine od osumnjičenih, optuženih, osuđenih ili s njima povezanim licima, povjereni Agenciji na privremeno ili trajno upravljanje.

II

Kandidati prijavljeni na javni poziv moraju ispunjavati opće uslove i to:

- a) da su državljani BiH
- b) da su stariji od 18 godina
- c) da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja javnog poziva
- d) da nisu obuhvaćeni odredbama člana IX. 1. Ustava BiH.

Pored općih uslova, kandidati koji se prijavljuju na javni poziv moraju ispunjavati i posebne uslove i to:

I. Kandidati koji se prijavljuju za nadzorni odbor (predsjednik ili članovi):

- a) da imaju univerzitetsku diplomu najmanje VII stepen stručne spreme odnosno visoko obrazovanje prvog, drugog ili trećeg ciklusa Bolonjskog sistema studiranja

- b) najmanje tri godine radnog iskustva na rukovodećim pozicijama (najmanje šef unutrašnje organizacione jedinice) u javnoj upravi, javnim preduzećima, ustanovama, privatnim privrednim društvima i sl.
- c) da nije član upravnih ili drugih odbora političkih stranaka
- d) da nije osuđivan za krivično djelo za privredni prekršaj nespojiv sa dužnošću u nadzornom odboru, pet godina od dana pravosnažne presude, isključujući vrijeme zatvorske kazne
- e) da nije lice kojem je presudom suda zabranjeno obavljanje aktivnosti u nadležnosti nadzornog odbora

II. Kandidati koji se prijavljuju za upravu:

- a) da imaju najmanje srednju stručnu spremu (SSS)
- b) najmanje tri godine radnog iskustva na rukovodećim pozicijama (najmanje šef unutrašnje organizacione jedinice) u javnoj upravi, javnim preduzećima, ustanovama, privatnim privrednim društvima i sl.
- c) da nije član upravnih i drugih odbora političkih stranaka

III

Kandidati su dužni uz potpisanu prijavu s biografijom u kojoj su dužni navesti da li se kandiduju za nadzorni odbor ili upravu društva ili oboje, dostaviti sljedeće dokumente:

- a) izvod iz matične knjige rođenih
- b) uvjerenje o državljanstvu
- c) diplomu ili uvjerenje o završenom VII stepenu stručne spreme visokog obrazovanja odnosno najmanje prvog (180 ECTS bodova), drugog ili trećeg ciklusa Bolonjskog sistema studiranja. U slučaju da fakultet nije završen u BiH, strana diploma mora biti nostrificirana (dokaz o nostrifikaciji) – **samo za kandidate koji se prijavljuju za nadzorni odbor.**
- d) diplomu o završenom srednjem obrazovanju – **samo za kandidate koji se prijavljuju za upravu.**
- e) dokaz da kandidat ima najmanje tri godine radnog iskustva na rukovodećim pozicijama (najmanje šef unutrašnje organizacione jedinice) u javnoj upravi, javnim preduzećima, ustanovama, privatnim privrednim društvima i sl. (uvjerenje, potvrda ili drugi dokaz iz kojeg se nedvojbeno može utvrditi ispunjavanje ovog uslova)
- f) izjavu da kandidat nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja javnog poziva
- g) izjavu da kandidat nije obuhvaćen odredbama člana IX. 1. Ustava BiH
- h) izjavu da nije član upravnih i drugih političkih stranaka
- i) izjavu da nije osuđivan za krivično djelo i za privredni prekršaj nespojiv sa dužnošću u nadzornom odboru, pet godina od dana pravosnažne presude, isključujući vrijeme zatvorske kazne, odnosno da nije lice kojem je presudom suda zabranjeno obavljanje aktivnosti u nadležnosti nadzornog odbora – **samo za kandidate koji se prijavljuju za nadzorni odbor.**
- j) Certifikat o završenom usavršavanju koje organizuje Privredna – Gospodarska komora Federacije Bosne i Hercegovine u skladu sa odredbama Uredbe o usavršavanju predsjednika i članova nadzornog odbora i uprava privrednih društava sa učešćem državnog kapitala („Službene novine Federacije BiH“, broj: 71/09, 33/10, 23/11, 80/13, 48/15, 60/16, 88/17 i 19/22) – **ukoliko kandidat isti posjeduje.**

Dokumenti koji se prilažu uz prijavu moraju biti u originalu ili ovjerenoj kopiji. Potpisane izjave moraju biti ovjerene od strane nadležnog organa. Dokumentacija se ne vraća.

IV

Javni poziv je stalno otvoren.

V

Podnosioci prijave će pisanim putem biti obavješteni o ispunjavanju uslova i sticanju statusa u nadzornom odboru ili upravi društva.

VI

Sektor za preuzimanje i upravljanje oduzetom imovinom će u skladu sa svojim kapacitetima voditi evidenciju zaprimljenih prijava i Listu eksperata sa koje se imenuju predsjednik i članovi nadzornih odbora i uprava privrednih društava kojima upravlja Federalna agencija za upravljanje oduzetom imovinom.

VII

U slučaju da je prijava nepotpuna, Agencija može zatražiti od kandidata da u određenom roku istu dopuni.

VIII

Prijave na javni poziv dostavljaju se preporučeno putem pošte ili direktno na adresu:

**FEDERALNA AGENCIJA ZA UPRAVLJANJE ODUZETOM IMOVINOM
UL. PUT ŽIVOTA BR. 2
71000 SARAJEVO
sa naznakom:**

„Prijava na Javni poziv za utvrđivanje Liste eksperata sa koje se imenuju predsjednik i članovi nadzornih odbora i uprava privrednih društava kojima upravlja Federalna agencija za upravljanje oduzetom imovinom“

NE OTVARAJ

NAPOMENA:

Sve dodatne informacije zainteresovani kandidati mogu dobiti na broj telefona: 033/407-350 ili putem e-maila: info@fazuoi.gov.ba.

Izradio: E.H.

Kontrolisao: A.Z.

v.d. DIREKTOR

Emir Bašić

DOSTAVITI:

- Web stranica Federalne agencije za upravljanje oduzetom imovinom
- a/a

